

王龍溪全集
(三)

清・道光二年刻本影印
叢書彙編第一編之一

王龍溪全集

(三)

明・王畿撰

華文書局股份有限公司印行

中華民國五十九年五月初版

叢書彙編
第一編
之一

王龍溪全樣

(精裝三冊)

售價：
國內：新台幣八百元
國外：美金二十元

發行人：薛

頌

留

發行所：華文書局股份有限公司

台北市南昌街一段七十二號

電話：三六二六三五號

印刷者：華文書局股份有限公司

台北市南昌街一段七十二號

電話：三六二六三五號

版權所有

內政部登記證內版台業字第一五四六號

王龍谿先生全集卷十五

後學會稽莫晉校刊

諸城寶椿齡
蕭山吳鍾惺叅校
晉寧李浩

雜著

先師畫像記後語

先師畫像記出於元宰存齋公官端時手筆先師始以平濠功封新建伯其後以論學爲世所忌誣以持兩端之說竟奪爵公博采輿論參之獨見終始按覆盡破其說使久鬱之功炳然復表於世力扶風規示之勸勵有補於名教不小先師忠誠懇惻出死力以定大亂不徇形迹不避利

害無非自信此心。公素信其學，知其出之有本，非襲取而倖成者也。今世士大夫高者談玄理，其次爲柔愿，下者貪黷奔競，以爲身謀，不墮於空虛，則流於卑鄙污陋，皆由忌者訾毀其學，不惟不與其功，且并誣其心事，使士類昧於所趨，無所勸勵，其勢不驅入於三者之途不止。表其功，正欲明其所學，以見儒者之作用而示之的。此公憂世之心也。先師嘗語人曰：吾於平濠之後，致知格物之學愈覺明徹，良知不學不慮，天植靈根，無間於聖凡，人人所同具，但不能實致其知，牽泥攪和，自滑其靈，所以失之。大都世間毀譽利害，不過一身榮辱，一人得喪，吾所遭謗搆以黨逆

無將之惡名蒙以滅族無辜之隱禍幾微倏倏之際間不容髮若不能自信其心畧爲形迹所滯機稍不密則失身根稍不真則僨事晦而明曲而理種種苦心只好自知自信意之微眇口不能宣而況於人乎此先師動忍增益之實學所操愈危所履愈熟所藏愈密所動愈神吾黨於此可以窺聖之微矣公首以像記授門人呂生需因以視予不肖久辱公交誼此志相應爰綴數語畧陳梗概壽梓以傳見儒者有用之學亦所以廣教云

跋名賢遺墨漫語

廷尉鳳洲世丈出我朝名賢遺墨一卷示余自學士朱公

景濂至贊善羅公達夫。凡若而人。余展玩再三。中有太宰海日公先師文成公書各一紙。一宮詹時所作。一考功時所作。皆真手筆也。其他或識或否。知皆非僞。或以德義。或以勲業。或以辭章。所尚不同。皆一時名世碩儒。蓋以人品之高而傳。非徒區區以書之工拙爲去留也。世丈謂物之可傳也。在彼而不在此。誠名言也。先師嘗論運筆之法。運肘爲上。運腕次之。運指又次之。以虛爲用。虛始能運。實則不能運也。予平生未嘗學書。而頗志於學。蓋不雜學。故精恐有所分也。昔之人因舞劍器。悟運筆意。予因運筆。悟學道之方。彼此所悟。大小不同。其爲用虛一也。智者當知所

以自擇矣。因世丈索致跋語書以貽之。

跋徐存齋師相教言

嘉靖歲乙丑春予赴留都同志之會。學院楚侗子出示羅寧國所紀元宰存齋公教言一編。予得受而讀之。京師舊有同志之會。邇年以來漸致闕鬱。時使然也。公首命述職諸司及計偕諸士。凡同志者先後大會於靈濟宮。時以直廬不能出。屬宗伯李公少宰朱公中丞毛公分主會事。冊書程伯子定性識仁二書示衆。使之更互究繹。錄以就正。此其答問語也。夫學莫要於見性。性者心之生理。萬物之原。其同體於萬物。乃生生不容已之機。不待學慮而能所。

謂仁也。此千聖以來相傳學脈。先生揭以示人。可謂得其要矣。是編發明無非此義。其曰仁人心也。心最虛靈。虛謂大公。靈謂順應。良知者。卽此虛靈之發見。識仁原只是良知自識。若說識仁之要在直信良知。尙未合一。未爲直截簡明精義無二。蓋必有事卽是致良知。卽是全此虛靈之體。知得忘與助者。良知也。勿忘勿助者。致知也。此其存之之法。良知良能。原不喪失。以舊習未除。却須存養此心。書中分明說破。非公洞悟性宗。深識仁體。不能爲此言。一時風動之機。殆遍寰宇。明道術正人心。是大有功於名教也。學之不可不講也如此。公舊得朋於南野歐陽子。予愛最

久與聞陽明先師良知之說契悟最深而又加以深造自得之益故言之親切一至於此澄然兩忘渾然一體蓋庶幾之矣不肖入山既深志懣年邁無復有補於世而生平求友一念若根於心不容自已爰念疇昔受公教益非無交之言喜聞盛美樂爲之道僭次一言於簡末固天機神應一體傾慕之情也所願諸同志際斯希有之會務去舊見相與篤志懣學實致其良知盡性體仁以會歸於一始不負公主盟章教之心其於千聖絕學之傳庶將有賴焉爾

私警錄後語

奕之譜畫之粉本皆國工之所不廢然徒譜且粉本已也而於臨枰展素之際顧悠悠焉則罔矣惟儒之於筆記也亦然知乎此則爲妙契疾書爲訂頑而爲橫渠氏之苦心不知乎此則爲續經爲擬易而爲文中子雲氏之獵名毫釐之辨也李侯生平從事於學不少間斷其發之於政也皆學之餘是以其於筆記也往往從一念之微以至於白晝之顯昏夜之幽盡古今人已之際其得失可否與善可法惡可鑒者靡不條綴而目引哀然成書其門人遂取以鐫而屬予爲之言夫予惟驗奕與畫之本雖不純取譜與粉本以爲衡而亦不能純出於譜與粉本之外今觀李侯

之筆記其於譜與本也可以稱工矣其在儒也爲張子而不爲楊與王也亦審矣雖然就譜與本而求備焉寧無免於意見之爲累而渣滓尙未盡融者乎此雖不害其終爲國工也而亦未免於入國工而未入神品者之小疵也噫點睛而龍飛懸虎而犬蹶者又何人哉此吾黨所交相警勉者也

雲間樂聚冊後語

師相存齋公旣約平泉中江諸公舉城南精舍之會復示予手書曰者領教雖未及詳然使善聽善受一言之下便可入道若持藐藐之心雖終日言無益也此在階輩自用

力自解悟而已。接引盛情不敢負，更祈一言以申警策。可謂虛受之至矣。畿不佞，敢不仰承。越中舊有小蓬萊會，大都士君子立身天地間，出與處而已。出則發爲經綸，思行其所學以兼善天下；處則蘊爲康濟，思善其身以先細民。未嘗無所事事。若惟借冠裳假面貌，輕肥蕩恣，役役終身，甘與草木同朽腐，名爲士流，實則凡夫之不如也。可耻孰甚焉。申六事之戒，示有終也。每月會期，主人夙具，約以辰刻赴會，別治靜室，焚香冥坐，外息塵緣，內澄神慮。衆中啟請，或證獨得，或析羣疑，或徵諸六經四書以爲折衷，或參諸前言往行以爲楷式，或議論稍有不合，不妨虛心相與。

徐以待之毋致動氣求勝精神凝翕氣象冲和意超如也
旁午就席酒行無算間起緩步游目或命題賦詠或雅歌
投壺各以意適不致溺而忘返文武張弛之道歛而不傷
於滯泰而不失於矜只此是學人生只有這些子不論隱
顯聚散順逆隨身幹辦只有此件事古云蓬萊無多路只
在拄杖前非寓言也凡世間功名富貴求之有道得之有
命不可倖致若自己性命我所固有求卽得之無待於外
世人於不可倖致者念念不能忘於所固有者顧舍之而
不知求亦見其惑也已自聖學晦亡人失其本心一種似
是而非之學流傳世間倚傍於名義揮霍於氣節以計算

爲經世以知解爲通微甚至黨同伐異自以爲公是非恣情混俗自以爲同好惡戕攬羈絆不得自由雖在豪傑習陷其中而不自覺其所由來者漸矣陽明先師提出良知兩字乃生身受命之靈竅其機只在一念入微使知有用力之地譬之赤日麗空而魑魅魍魎自無所遁其形也大學之道致知在格物人人有此良知不由於聞見只是不會致得人生在世有喜怒哀樂之情有視聽言動之發有人倫家國天下之施未有無事之人物卽事也終日營營只是不曾格得若肯發心真爲性命隨時隨物致此良知已是盡了大人之學可不待外求而得也昔之人有冒認

他人墳墓以爲祖宗非開棺滴血不可得而辨良知是千
聖相傳滴血公案真假毫釐辨諸此而已衛武公年九十
尙不忘箴警况吾儕乎凡我同盟旣脫世網下戲臺正好
洗去脂粉覩見本來面目之時若於此不知回頭真成當
面蹉過可惜也已自今以始幸相與發箇爲性命真心從
事於致知之學時時握其機入其竅直心以動自見天則
使視聽不違其度喜怒不乖其節人倫上下遠近之交不
失其宜自性自養自命自立或出或處做箇天地間脫洒
光明大豪傑乃不爲倖生耳且人生百年只如倏忽生死
如晝夜定知不免孔氏云朝聞道夕死可矣道無生死一

念靈明照徹千古生死隨緣不作有無二見可以死者以
其放下無復牽帶所謂通晝夜之道而知也誰人肯向死
前休若信得此及從前種種世情嗜好未了之心等於夢
幻空華便須全體放下攝心歸一幹辦末後隨身一著免
致臨期措手不迭同心之願也諸君果能如武公之好學
愚也敢忘國士之交儆始信此會之不虛耳

書耿子健冬遊記後語

無欲之謂仁仁人心也良知者心之明覺一體之仁也伊
尹天民之先覺者也視天下匹夫匹婦有不被堯舜之澤
若已推而納諸溝中一體故也而其機原於一介取予之